

房縣志卷十二

僑寓

天地一大逆旅也大白嘗言之矣生斯土者誰非過客豈必千里登樓而後爲僑寓哉房固僻壤然自秦漢以來或遷流或貶斥名臣巨鎮帝胄王孫徃徃接跡於此亦攷古者所不忍泯沒也志僑寓

秦

趙幽繆王遷悼襄王子也悼襄王卒遷立累爲秦所侵敗六年大饑民僞言曰趙爲號秦爲笑以爲不信視地之葱軍破顏聚亡去遷降秦秦流之房陵遷思故鄉作山木之謳聞者莫不隕涕

漢

趙王敖張耳子高帝九年貫高怨家上變告之詔逮捕王及諸反者趙午等皆自刎高獨怒罵曰公等皆死誰白王不反者乃檻車詣長安對獄曰獨吾屬爲之王實不知榜笞刺剝身無可擊者終不承上乃赦敖廢爲宣平侯置之房陵

濟川王明武帝建元三年坐殺中尉遷房陵

清河王年宣帝地節四年坐內亂遷房陵

黃香字文彊九歲喪母事父至孝父舉孝廉爲郡五官貧無奴僕香躬執勤苦盡心供養冬無被袴而親極滋味暑卽扇牀枕寒卽以身溫席厯官尚書令寓於房卒有墓在西關見古蹟

唐

唐太子忠高宗子初封陳王王皇后無子撫之永徽三年請立爲太子后既廢武后子宏甫三歲許敬宗希后旨

房縣志

卷十二 僑寓

二

建言國有正嫡太子宜同漢劉彊故事帝因詔見謂曰立嫡若何對曰正本則萬事治且東宮知有正嫡必不自安非社稷之福於是降封忠爲梁王俄徙房州刺史中宗高宗太子立二月武后廢爲廬陵王四月遷帝於均州二年遷帝於房州帝之遷房與韋后同幽閉備嘗艱苦每使至帝惶恐欲自殺后止曰禍福何常早晚等死耳無遽帝與后約一朝見天日不相制居房十四載武后感狄仁傑姑姪子母之諫遣徐彥伯召還東都以帝爲皇太子河北道元帥狄仁傑副之以討默啜神龍元

年帝復位與韋后朝政亦如武后在高宗之世五年后
進毒弑帝於神龍殿臨淄王討誅之今舊城南有反于
口

石普幽州人歷河西軍節度使太宗嘗曰普性剛驚與諸
將少合然藉其善戰每厚遇之後坐私天文詔除名貶
賀州尋安置房州增房州屯兵百人護守普既以罪廢
每太宗忌日必盡室詣佛寺齋薦率以爲常

傅潛衡水人歷忠武軍節度使上親征契丹命石保吉等
領前軍赴真定與潛會潛逗遛不進致虜得渡河劫人

房縣志

卷十二 僑寓

三

民焚廬舍上駐大名而邊捷未至諸將屢請益兵潛不
之與有戰勝者又抑不以聞上怒徵潛詣行在下御史
府百官議法當斬上貸其死並家屬流房州

宋

郭宗訓周世宗第四子顯德六年封爲梁王卽嗣立宋太
祖受禪封鄭王遷於房以辛文悅爲房州守保全

五代史

魏悼王廷美字文化本名光美宋太祖第四弟初加中書
令開封尹封齊王進封秦王廷美驕恣將有陰謀竊發
遂罷開封尹授西京留守後趙普以廷美謫居西洛非

便復教知開封府李符上言廷美不悔過怨望乞徙遠郡以防他變詔降爲涪陵縣公房州安置宋史傳

龔夬字彥和瀛州人進士第三僉書河陽判官徽宗立召拜殿中侍御史論劾章惇蔡卞蔡京願考證其寔以正姦臣之罪於是三人者皆去又上疏乞正元祐后冊位號及元符后不當並立書報聞已而元祐后冊再廢言者論夬首尾建言詔削籍編管房州夬徒步適貶所持扇覓錢自給赦歸政和元年卒贈諫議大夫

宋史傳

劉光祖簡州人仕宋爲起居注韓侂胄擅朝政目士大夫

房縣志

卷十二 僑寓

四

爲僞學光祖撰涪縣學記謂好惡出於一朝是非奪於萬世諫官張釜指爲訕謗慶元五年奪職居房州

陳與義字去非洛人登政和三年上舍甲科累遷太學博士擢符寶郎金人入汴遂避亂襄漢久之召爲兵部員外郎長於詩體物寓興清邃紆徐高舉橫厲上下陶謝韋柳之間舊志載與義寓房之南山改曰鳳凰山有詩

詳山川

明

母德純南充人正德丁丑進士任大理寺左丞嘉靖四年

以議大禮落職戍房到日開館授徒討論文義雖歷貴顯清約如寒士

國朝

李國樑本姓黃咸甯人幼嗣舅氏李在中充太僕衙門吏考授從九品旋歸宗寓房縣嘉慶丙辰春賊起父黃茂孔被害時國樑客於秦趨回誓殺賊募鄉壯六百餘名隨營協勦丁巳五月總統惠齡師追賊至鎮安黃龍舖擊殺無算國樑與宜昌通判高舉及子高仲武均戰歿事

房縣志

卷十二 僑寓

五

聞交部一體卹賞

任漢周字望東山西孝義人房商薛永清店客也性慷慨尚義有古豪俠風嘉慶丙辰春賊起漢周偕士民守城晝夜不倦見賊輒鬚髯戟張齧牙誓殺賊賊渠聞禹者素貧困漢周不知其習教也數賙之禹德周甚一日巡城見禹方擁衆薄城下瞿然曰乃禹乎縋而出直詣禹所切責之詞色峻厲賊衆殊不堪將加刃焉禹以手麾曰恩人也不可殺已而具酒食以進漢周擲杯大罵曰我良民耳肯食賊食耶禹大慙媵媵然笑乃寘漢周幽

室中旦啓戶則雉經死矣禹嘆惜舉其尸瘞焉久之民有自賊營中出者白其事於永清永清發視之面如生鍾靈閩長汀人隨叔父夢瀛令房邑凡政有不便潛爲轉移民陰受其惠而不知叔任終不歸以教授自終成就多知名士尤工咏吟自號海萍子著海萍子集十餘卷房詩學之興厥功居多晚號九九老人享年八十一而卒慕林和靖之爲人終身不娶童顏鶴髮見者驚爲神仙中人

李子沛號五峰來自中州善屬文課徒講藝北山文人多

房縣志

卷十二

僑寓

六

出其門遺稿能啟後學子孫皆畎畝中人

興國州貢生鍾龍章其弟鍾茂銓從叔父儒學鍾榮國來房設教有年成就人才甚衆章講解明晰竊聽者亦獲教益銓課期先自擬程示諸生著有小講八法砭錮集行世後嘉慶戊午中式舉人

南漳廩生袁敏號雪蕉工書善畫歿於房其著作見南漳志

大冶胡文衡寓房教讀有年手錄五經至十部分給門徒學問淹博字體堅挺有毆蘇法

孝感廩生游泮黃州廩生江際可王誕登陝西諸生翟華國俱善屬文有積學來房授徒講藝多所成就

安徽張珍銘邑令施序云張珍銘字步虛余同郡潛山人也少負雋才不得志流寓房陵房之人士慕其品學競師事之多所成就曾以脩脯餘資置田數畝構屋三楹將遂家於房不數年而卒年僅三十有三尙乏子嗣門人於忌日咸服心喪余以庚子來宰斯土竊聞其事而未悉其巔末辛丑冬門下士劉生元棟吳昶等將以遺產立祠以誌不忘而以額聯爲請嗚呼人生在三事之

房縣志

卷十二

僑寓

七

如一諸生師弟之誼如此其厚洵有古人風哉故不辭而并叙其梗概於此

謝煌原名爾墉浠川布衣也道光季年侍外祖訓導汪鵬宦遊來房旋幕縣署感豐時亂隨金縣帶勇擊賊著有勞勩屢詳在案後遂家焉

雜記

戴禮有雜記上下篇扶風漢史亦有之後世著述家遂不可枚舉如志餘外篇別集皆是也茲志除事紀外其餘則分門別類以敘之若夫支言瑣事無門類可分不得不以雜記收之至二氏之學吾儒弗尚然成仙成佛不知幾生脩到房雖僻陋而史冊所載故老相傳安得盡以子虛烏有置之哉誌雜記

漢河間獻王傳劉元王五世孫也及嗣位取故廣陵厲王厲王太子及中山懷王故姬廉等以爲姬甘露中冀州

房縣志

卷十二

雜記

八

刺史厰奏元事下廷尉逮召廉等元迫脅凡七人令自殺有司奏誅元有詔削二縣萬一千戶後元怒少史留貴留貴踰垣出欲告元元使人殺留貴母有司奏元殘賊不改不可君國子民廢勿王處漢中房陵居數年坐與妻若共乘朱輪車怒若又笞擊令自髡漢中太守請治元病死國除

漢常山憲王傳王有不愛姬生長男稅稅以母無寵故亦不得幸於王王后脩生太子勃王內多所幸姬生子平子商王后稀得幸及憲王疾甚諸幸姬侍病王后以妒

娟不常在輒歸舍醫進藥太子勃不自嘗藥又不宿留侍疾及王薨王后太子乃至憲王雅不以稅爲子數亦不與財物卽或說太子王后令分稅財皆不聽太子代立又不收恤稅怨王后及太子漢使者視憲王喪稅自言憲王病時王后太子不侍及薨六日出舍太子勃私姦飲酒博戲擊筑與女子載馳環城過市入獄視囚天子遣大行騫驎問逮諸證者王又匿之吏求捕勃使人致擊笞掠擅出漢所疑囚有司請誅勃及憲王后脩上曰脩素無行使稅陷之罪勃無良師傅不忍致誅有

司請廢勿王徒王勃以家屬處房陵

後漢書費長房汝南人曾爲市椽市中有老翁賣藥懸一壺於肆頭及市罷輒跳入壺中市人莫之見惟長房於樓上覩之異焉因往再拜奉酒脯欲求道而顧家人爲憂翁乃斷一青竹度與長房身齊使懸於舍家人見之卽長房形也以爲縊死驚號殯之於是隨翁入深山踐荆棘於羣虎之中留使獨處長房不恐又卧於空室以朽索懸萬斤石於心上衆蛇競來齧索且斷長房亦不移復使食糞糞中有三蟲臭穢特甚長房意惡之翁曰

子幾得道恨於此不成如何長房辭歸翁與一竹杖曰
騎此任所之則自至矣既至可以投杖葛陂中也

漢書
註陂

在新蔡
縣西北

又授一符以此主地上鬼神長房乘杖須臾來

歸自謂去家旬日而已十餘年矣卽以杖投陂顧視則
龍也按明統志長房事載汝甯府省志載房縣西長望
川上化龍堰卽投杖化龍處也房山廟卽祀長房

宋王元謨字彥德太原祀人也爲雍州刺史民間譌言元
謨欲反時柳元景當權元景弟僧景爲新城太守以元
景之勢制令南陽順陽上庸新城諸郡並兵討元謨元

房縣志

卷十二

雜記

十

謨令內外晏然以解衆惑馳啟孝武具陳本末帝知其
虛馳遣主書吳喜公撫慰之又答曰梁山風塵初不介
意君臣之際過足相保聊復爲笑伸卿眉頭元謨性嚴
未嘗妄笑時人言元謨眉頭未曾伸故帝以此戲之

沙門釋寶誌者不知何許人於宋太始中見之出入鍾山
往來都邑年已五六十矣齊宋之交稍顯靈跡俗呼爲
誌公好爲讖記所謂誌公符是也至梁天監十三年卒
今房縣明月山湘溪巔鎖鳳橋子規寺皆坐禪處

南史

房陵後魏廢帝二年改新城郡爲光遷國昔傳此地古有

三百人於州西南房山中學道得仙因名其地爲廣仙
後人語譌傳爲光遷

寰宇記

房陵粉水旁有文將軍冢基隧前有石虎石柱甚華麗閭
邱羨之爲南陽葬婦基側將平其域夕忽夢文諫止羨
之不從後羨之爲楊佺期所害論者以爲文將軍之崇
也水經注

隋開皇中房陵王勇之在東宮及宜陽公王世積家婦人
所服領巾製同槩幡軍幟婦人爲陰臣象也而服兵幟
臣有兵禍之應矣勇之竟遇害世積坐伏誅

房縣志

卷十二

雜記

十一

唐城陽公主太宗女下嫁杜荷坐太子承乾事誅又嫁薛
瓘初主之婚帝使卜之繇曰二火皆食始同榮末同戚
請晝婚則吉馬周諫曰朝謁以朝思相戒也講習以晝
思相成也燕飲以暮思相歡也婚合以夜思相親也故
上下有成內外有親動息有時吉凶有儀今先亂其始
不可爲也夫卜所以決疑若黷禮慢先聖人所不用帝
乃正麟德初瓘歷左奉宸衛將軍主坐巫蠱斥瓘房州
刺史主從之官咸亨中主薨而瓘卒雙樞還京師
唐房遺愛元齡子誕率無學有武力尚高陽公主爲右侍

衛將軍公主帝所愛故禮與他壻絕主驕蹇疾遺直任嫡遺直懼讓爵帝不詐主稍失愛意怏怏與浮屠辯機亂帝怒斬浮屠殺奴婢數十人主怨望帝崩哭不哀高宗時出遺愛房州刺史主又誣遺直罪帝勅長孫無忌鞠治乃得主與遺愛反狀遺愛伏誅主賜死

唐田伾爲李逢吉門下吏坐事匿逢吉家詔捕弗獲及逢吉出鎮山南表伾隨軍滿歲不敢集使人僞過門下省調房州司馬爲有司所發卽襄陽捕之詭譎不遣御史劾奏奪俸一季

房縣志

卷十二

雜記

十二

唐承宏爵廣武王高宗子章懷太子賢之孫也坐交非其人貶房州別駕還爲宗正卿廣德元年吐蕃入京師天子入陝虜宰相馬重英立承宏爲帝賊退放承宏於華州

神龍元年竹山縣陰隱客一作容家浚井千尺無水工人捫

壁別一天地日月世界署牌曰天桂山道志作天柱宮門內

兩人皓齒鬢髮金冠跣足問胡爲至此工人具陳本末須臾有緋衣傳勅曰以禮遣之門者遂引至清泉洗浴白泉漱飲甘美似醉行半日見城郭宮室皆金玉城樓

題云梯仙工人詢曰此何處門者曰初得仙關送此國
脩行七十萬日然後至諸天或玉京蓬萊崑閩姑射工
上山尋來路門者曰汝來此頃刻人間數十年矣舊穴
不可得當奏請通天關鑰送卿歸工人拜謝須臾雲開
已在房州北三十里孤星山頂洞中及出詢陰家云已
三世矣白是不食五穀莫知所在

博異志

唐永王璘元宗子少失母肅宗自養視之封領荊州大都
督又領山南等四道節度使安祿山反帝至扶風詔王
即日赴鎮以少監竇昭爲副璘至江陵募士得數萬補
署卽官御史時江淮租賦鉅萬所在山委璘遂有闕江
之意詔皇甫侁討之戰大庾嶺璘中矢被執侁殺之璘
未敗時上皇下詔降爲庶人徙房陵及死送妻子至蜀
上皇甚悼之

唐上元元年以來瑱爲山南東道均房等十州節度使代
宗立程元振用事譖瑱遂下詔削除官爵貶播州尉員
外置及鄂賜死籍其家瑱死帝悟元振誣以它罪流溱
州以梁崇義爲節度使代瑱崇義爲瑱立祠四時致饗
避瑱廳事不處哀祈禮葬詔可廣德元年追復瑱官爵

唐李遜字友道魏申公發之後也貞元初代嚴綬爲山南東道節度使時方討蔡析山南東道爲兩節度以專鄧隨三州授高霞寓得專攻討而遜督襄復郢均房五州賦饋之初襄州兵隸霞寓者多逃還後霞寓戰賊不勝言爲遜所撓帝欲按狀宰相請置不問韓愈送詩云帝憂南國切改命付忠良壤畫星搖動旗分獸簸揚五營兵轉肅十里地還方控帶荆門遠飄浮漢水長賜書寬屬郡戰馬隔鄰疆縱獵雷霆迅觀碁玉石忙風流峴首客花豔大隄倡富貴由身致誰教不自強亦可想見其

爲人矣

元和時強伯達家於房世傳惡疾達弱冠亦患此父母皆以必不可療恐復染裹糧置深山中涕與別遇一僧口授金剛經四句偈達熟誦久之忽有虎至達懼甚瞑目待死而已虎爲遍舐其瘡去患少瘡僧復至以青草一握煎洗之遂痊自是家無惡疾

無姓和尚居房州龍興寺徙岳州聖安寺作道場於楞伽北峯不越閩者五十祀其終也柳宗元銘曰道本於一離爲異門以性爲姓乃歸其根無名而名師教是尊假

以示物非吾所存

柳宗元文集

永清廢縣房州東百二十里城郭殘毀穆宗時某遊其中見荒廟巋然無門榜牌記人曰此永清大王也不詳其姓氏某徙倚久之恍惚與神接神曰我姓周氏名廓毗陵人也大父子隱吳書有傳誅南山虎斬長橋蛟與民除害陰德昭著余有壯志以功承上帝命於金商均房四郡間捕鷲獸數年勦猛虎不可勝數民以安虎之帥在西城形甚偉躡捷異常身如白錦額有光如鏡噬人最多余亦誅之居人爲余立廟自襄漢以北藍關以南

房縣志

卷十二

雜記

十五

凡三十餘處皆余憇息所也歲祀綿渺俗傳多誤以余爲白虎神幸君爲我正之言訖不見他日某言於襄陽從事乃書版寘廟中塵侵雨漬文字將滅大中壬申歲襄州觀察判官王澄刻石於廟

集異記

五代慕容彥超土谷渾部人後漢高祖同產弟也嘗冒姓事閻氏黑色鬚髯號閻崑崙唐明宗爲軍校累遷刺史歷磁單濮棣四州坐濮州造麴受贓法當死高祖自太原上章論救得減死流房州後反勢窮夫妻皆投井而死

宋趙贊并州人性險詖辯給好言利害累遷至鹽鐵都監至道元年上元節京城張燈太宗以上清宮成臨幸贊與鄭昌嗣邀其黨攜妓登宮中玉皇閣飲宴至夜分掌舍宦者不能止以其事聞太宗大怒詔奪贊官許攜家配隸房州

熙甯丙辰四月二十六日襄州通衢一死婦阿毛兗人其夫楊金配隸房陵既死詣州請願負夫骨歸葬故鄉遭大疫遂斃於道

宋孫升字君孚高郵人爲侍御史時翰林承旨鄧溫伯爲

房縣志

卷十二

雜記

十六

臺臣所攻升論之尤力謂草蔡確制稱其定策功比漢周勃欺天負國豈宜親承密命不報紹聖初張商英劾之削職知房州

宋陳搏亳州眞源人始四五歲有青衣媪乳之自是聰悟經史一覽無遺後唐長興中舉進士不第不求祿仕以山水爲樂遇孫君仿麀皮處士二人者高尚人也謂搏曰武當山九室巖可以隱居搏往棲焉因服氣辟穀歷二十餘年但日飲酒數杯移居華山又止少華石室每寢處多百餘日不起搏好讀易手不釋卷嘗自號扶搖

子宋太宗時入朝賜號希夷先生今武當天柱山白雲
峯爲希夷坐靜處凌虛巖有誦經臺又嘗憩息於竹谿
之陳家堰至今夏無蚊

許安世爲房倅告蘇子瞻云元豐間有名三花仙者來自
京師嘗簪三朵花游頗能詩郡守夏侯在京師與相善
叩以前事云至房中說之及侯守房三花仙日記房中
之言否旣見侯七日而尸解蘇軾詩并序房州通判許
安世以書遺余言吾州有異人常戴三朵花莫知其姓
名郡人因以三朵花名之能作詩皆神仙意又能自寫

房縣志

卷十二 雜記

十七

眞人有得之者許欲以一本見惠乃爲作此詩學道無
成鬢已華不勞千劫漫蒸砂歸來且看一宿覺未暇遠
尋三朵花兩手欲遮瓶裏雀四條深怕井中蛇畫圖要
識先生面試問房陵好事家又夷堅志三朵花姓李氏
隱於房州之福溪巖每戴紙花三朵入市市人圍繞呼
之但笑云休打裏休打裏者房人言猶云莫要如此也
有二三老翁與之遊閒邀入城飲酒輒語先去我便來
翁到城李已先在同詣酒家所沽錢盡而興未已李探
手於腰間小竹箠中取錢索酒至醉翁竊視其箠空無

所有李自取依然隨手滿案如是久之忽與人告別不知所之原隱處石壁塑像猶存郡人記其一詩戴花三朶鎮長春誰識元中不二門醉裏自傳神仙活終當不老看乾坤尾句或云不知不覺到黃昏蓋每醉時必寫眞雖兵戈後尚有藏之者

房陵民李政爲保正頑猾健訟侵奪人產官莫能治淳熙中暴亡是日其家特產一犢腹下黑白毛色相間成保正李政四字了然可識每見妻子輒淚下甫半年爲虎所噬骨肉皆盡惟字處獨存道志

宋醕熙間房人解三師女好讀書其父精法術女亦潛習之年二十贅歸州民施華爲壻華商於外三載寄妻書曰不富無歸也女視畢卽掩淚不食尋卒華不知也後華在汝甯女忽來驚問曰汝孱弱何能至此曰得汝書脫身就汝華信之後還歸州田祈者三師鄰人也過華見之驚曰七五姐亡三載矣何爲在此曰我詐死訪施郎耳田歸告三師三師遣男往兄妹情甚洽詰其故女曰吾亡後遇九天元女憐吾志授還魂術遂再生越二年偕夫行至葬所女忽不見

唐風仙名守澄隨州人幼入武當姿貌古怪杖上常挂數十胡蘆往來均房間言人吉凶無不驗開慶己未後不知所終

魏禧冰叔送黃孝廉歸楚時房竹新復詩云愛客愛楚客楚客多英雄愛水愛楚水洞庭多悲風彭蠡雖滙澤了不異人意乃知天地多雷同我曾泛白馬喜無湖邊山不知此湖濶多少只見飛鳥去不還側耳洞庭湖青天爲盆日月浴生不上岳陽死不暝雙目楚水楚水風不波楚人楚人今若何

黃衣和尚名不傳初創保康治時居珠藏洞小庵中嘗衣黃因號之凡遇虎豹叱之而馭渡津涉水衣履不濡唐藩王聞而異之召賜衣物後不知所終

潘妾者均房營總旗潘某妾也潘駐城東鄰守備署其西爲土地祠皆荒翳一日出閒步忽擲桃中其肩迴顧見一女微笑自言有夙緣潘愛其韶麗納之潘妻故賢淑而妾又善窺人意旨事無大小咸經理相得甚懽居二年忽言別潘固挽之妾曰此定數不可強且圖再會絮詔終夜忽失所在年餘守備來潘直宿過土地祠遇數

百小兒跳舞直撞聞人聲乃散而潘已僵矣舁歸卧數月分必死妾忽至潘悲喜交集告以苦妾曰吾固早知矣急進樂月餘始起妾又去潘感涕無已明年與同伍某過均州好漢坡遙聞鈴聲有婦女六七騎自林中來同伍指曰騎白驪者非君麗人耶潘驚視果妾也指謂潘曰某吾姊某吾妹詢所往云上武當潘遽執手泣妾愀然曰諸姊妹在君何作此態且我甯不思君顧公事不可稽事畢仍會此同歸耳後回至坡不復見潘惘然房山高險幽遠石洞如房多毛人長丈餘遍體生毛時出

噬人雞犬拒者必遭攫搏以鎗礮擊之不能傷惟見之卽以手合拍叫曰築長城築長城則倉皇逃去父老言秦時築長城人避入山中歲久不死遂成此怪見人必問城脩完否以故知其所怯而嚇之錢唐袁簡齋曰數千年後猶畏秦城可想見祖龍之威矣又有獾獸食銅鐵而不傷人凡犁鋤刀斧見則涎流食之如腐故城門所包鐵皮盡被啖按爾雅郭註獾似熊小頭瘳脚黑白駁能食銅鐵正義曰史記索隱張揖云獾似熊瘳脚銳髻骨無髓食銅鐵與郭註同又傳九道梁有狃食銅鐵

土人奇之山海經嚴道縣有狃食銅鐵華陽國志建甯郡有狃食銅鐵

房陵有罵詈山臨愁水昔稱四塞險固秦始皇徙趙王遷於房陵後徙呂不韋舍人萬家於此漢世濟川王明常山王舜清河王年河間王元廣川王海陽俱以罪廢徙房陵故常璩謂漢宗族大臣多徙此縣也而其地之幽遠險僻可想見矣

浮鷗雜記

唐柳宗元囚山賦楚蜀之郊環萬山兮勢騰踊夫波濤紛對迴合仰伏以離迥兮若重墉之相褒爭生角逐上軼

房縣志

卷十二

雜記

二十一

旁出兮其下坼裂而爲壕欣下頽以就順兮曾不畝平而又高沓雲雨而漬厚土兮蒸鬱勃其腥臊陽不舒以擁隔兮羣陰沍而爲曹側耕危穫苟以食兮哀斯民之增勞積林麓以爲叢棘兮虎豹咆闕代狴牢之吠嗥余胡井眚以管視兮窮坎險其焉逃顧幽昧之罪加兮雖聖猶病夫嗷嗷匪兇吾爲桀兮匪豕吾爲牢積十年莫吾省者兮增蔽吾以蓬蒿聖日以理兮賢日以進誰使吾山之囚吾兮滔滔

宋陳造後囚山賦柳先生蛻迹中朝落身南州卽囚山而

命賦寫曾次之幽憂讀者哀之至今心爲之悽怳而聲爲之悲啾房陵斗州窮巖絕隘裂石廩之一罅瞰千室而斯在層峰疊嶂自蜀而東亘二千里此焉未沫嘗憑高而舒望取羣愁之一快拖頑蒼繚寒碧兮了不究其所屆騰陵勃怒崩轟闐沓植則困縈則帶轟焉如郭銳焉如礮馳萬馬於曠莽翔羣龍於霏靄又似夫颶風之塵萬艘翻濤瀾於渤澥天雲若可手擘而日月爲之隔閔嗟余與子胡此焉仕案亦簿領庭亦卒史居無以泰吾心而遊無以投吾趾時則誦柳先生之賦而知其有

以也夫其猿顛鳥仆窮號懾墜眞狴犴之可駭也出不易入入不易出幽僻塊處荒傖癯民悍容而獮音日接乎前幾刻木之與對也嵐昏澇朝黯掩暄晦僵人骨而酸鼻亭午未已仡仡者病壯者廢由漢暨唐王公貴人悖而罪劣可矜貸毋此來之昧也自我解裝歲律甫遷向行止之坎流今柙兇而鍼氈嗟若余子盤薄四年局不得歸欲語復茹反諸己而靡愆袖長賦而見投慨今昔而潛然痛亂山之見囚束寸步而莫前牢愁幽憤搯腸淪髓匪接摺而踣頓不繼檻而掎止何高高之不仁

而使我至於此也蓋嘗繹子辭究諸理子之所以惻愴而自悼我之所以感動而促感者君子有弗是也彼漢唐之逐臣例庸房之廢徙則亦千國之憲不容自己吾與子來其始誰使非以其窮塗之絕援資身之無策博斗升以飽飢而遁死如庸賈之走荒裔罷農之守撓墾曾不暇計去取於彼此也邪以吾校子又進退之異趨齒髮之懸殊環索吾中槁涸而空無彼子柳子跣劉躡呂豪韓與徒若違中立吳武陵之桀然方且望塵躡影蔑齊其驅彼其一旦跼蹐於嵌巖巖阻之幽深宜其號鳴悼喑不能一朝以居予之春愚質之樸踈才之卑迂萬非時須而遽乃顰頰悼中悄焉慘焉以賊和而傷生夫何爲乎訊歸計於蟾蜍第圓缺之六七付古今於俯仰聽寒暑之更迭雖浩劫之悠長尚激矢之漂疾吾方左右圖史深居簡出揖勝友於南山斲春色於九室一不假犢背之書超然乎繫維繫孿之表非三花老仙孰其委悉子以吾言爲何如余子謝之曰憂滯憤懣吾已失矣歷代賦彙

唐中宗爲天后所廢於房陵仰天而歎心祝之因拋一石

於空中曰我後帝此石不落石爲樹枝挂至今猶存又人渡水拾古鏡進之帝照面其鏡影人云卽作天子未浹旬復居帝位

獨異志

房陵有獵人善射矢無虛發一日遇猿凡七十餘發皆不能中猿乃舉手長揖而去因棄弓矢不復獵

畫墁錄

均房人取山中枯木作膠傅破布單施虎徑中木葉蔽之虎踐履著足不脫虎怒頓挫不能去以至傾撲而死開腹腸亦斷

房州西門外三十里有石崖極高峻其下爲石室道觀在

房縣志

卷十二

雜記

二十四

其側曰九室宮土人相傳云陳希夷隱於華山時嘗居此石室乃臥閣也民焦老者居山下陳每訪之將至必有二鶴翔空而下焦民以此候之傾家出迎具茶果延伫經歲常然一日告去焦曰先生將何之曰吾欲歸三峰耳焦父子強留之不可徐問曰汝家何所欲欲官耶欲富耶焦曰窮民不願官倘得牛千頭足矣陳笑曰易事也携與俱行至山後指一地曰異日葬此當如汝願及焦死其子奉柩窆於所指穴數年間貲產豐盛耕牛果及千頭迨二百年子孫尚守其舊業鄉人名其處爲

焦老墓田

張公院在南山舉厰離城一百四十里山峰獨立翠聳層霄登眺則衆山俱俯頂有方丈地尙存基址其礫石圍丈餘相傳張子房脩行處山頂有韭盛器內或謂仙菜又有落葉葉上有佛像名佛葉樵者無心遇之山頂霧起卽雨斂則晴去院二十餘里許有白雲菴亦云子房脩行處

邑令王璋廉正無私不輕接紳士有貢生史姓以事牽累觸怒浼學師捕廳求解不可旣而其子乘間言之遽推

案起曰朝廷法度豈由爾耶自是無敢復言者然凡事實心爲民處治周詳康熙六十一年歲荒牛瘟民不能納糧令代償之復遣役歸家取銀賑饑且買牛爲來春耕種計銀至均州而令卒闔邑士民閉戶哭之曰房人太無福也在任軼事至今邑人猶傳誦之令每夜微服巡行遇讀書者尋聲叩戶親爲講解貧寒者資其膏火每月數召生童課文細加評改盛筵欸待獎賞優厚房故山僻不以讀書爲事至是人皆自奮戶誦家絃文風大振又將嫁女召工造簪珥數日不至詰其故曰器具

被盜是以遲之令曰我知盜所在明當拏間次日銀工偶出西門則所失器具在蓋賊住縣衙旁聞言乘夜送出也何老販陶爲業爲石絆跌盡碎於路何泣不欲生適令自郡回見之間其故遽命舁石至署市人皆驚競往觀焉縣牌明午嚴究聚觀者益衆乃從容升堂先命闔門自以青蚨三千給何老謂衆曰石豈能言乎吾何能令石償也獨念此老無資行將凍餘死耳汝等俱宜憐恤孤貧隨帶有錢能助我乎衆欣諾頃刻擲錢滿地約十餘貫何老感泣領謝得飽煖以終云楊某因口角

爲包某誤傷致死楊婦泣訴令審驗得實並問楊婦家甚窘因謂婦曰殺人者死但包誤傷汝夫罪未抵死且汝夫死家貧親老子幼卽治包軍流之罪於汝何益不若令包具棺衾設齋醮衰服以葬汝夫更以其田產斷歸汝家管業以贖伊罪則汝夫冤伸汝報夫之心亦盡豈非兩全乎勸諭再三楊婦始從然包雖幸脫罪而貧苦難堪楊婦城居而田在包家河遠距三十餘里耕種不便又當讐家門彼此往來皆怒目相視一日令出過包家河塘汛兵來迓令指一兵曰汝非張其祥乎有水

田二石在城北門外乎曰有曰汝在此守汛而田寫遠耕種不便塘後包家田三石今歸楊氏婦彼亦不便我欲以彼田易汝爾亦不離汛地可乎張連叩曰幸甚自是包楊兩家亦各喜冤家之離眼也署嘗養一猿頗慧默解人意因縱脫之任其出入一日忽失印百計搜索不可得已浹旬矣令驚懼久之偶爾見猿坐屋脊捶掌作用印狀急呼之不應穿樹跳垣頃刻杳然不得已合圍銃斃印猶在其手

康熙間秀才張慶能以耳聽地知休咎爲兄廣文張憲卜

地葬數年家頗不利姪議遷且誣叔妄慶耐之意不釋潛往聽之得蜂聚聲曰嘻我知之矣告姪云地氣將脫否交泰發在目前不信破墓起棺白氣蒸騰霄漢視其穴紫滕縈纏棺旁觀者太息悔無及嘗邀叟三五夜靜至河畔授以術伺聽之水底作金石絲竹音婉轉清絕逆流而上詰其故曰此地龍走也兆應下河將敗上河將興後果然又聽一地臨險鑿穴預爲葬所往聽穴中作小語曰喜盡悲來脩短有數茫茫然歸告家人沐浴更衣危坐舉家正駭疑忽捷音至二子並賦采芹慶聞

啞然大笑而逝

邑令常熙夏日南山驗案暑熱渴甚行巖徑旁有水泉飲之題曰半巖懸古井一碗好清泉過客憑誰飲從來不要錢其居官於此可見矣後卒於署嘉慶元年教匪亂邑人請乩於鼓樓判詞頗驗衆叩何神復判云憶昔當年知縣事警頑震贖鼓樓上警頑震贖四字常令題見高樓千株桃李深培養一片冰霜質冥幽名宦祠中無供祭蓬萊山下任優游而今至止傷蒿日常願熙皞不我由

胡維璉乾隆年人未週歲每於無人處哭兒女經年如是

房縣志

卷十二

雜記

二八

其父以黑狗血噴之乃止維璉前世南陽人曾置約契於人不知處其子與人爭地構訟連年無約案不能結一夕托夢於子約藏某處現投生湖北房縣西鄉胡家灣胡某家某子得約結案明年二子鬚髮牛白具童子衣帽踵門相認璉亦不知前生事矣

均房營弁王某外號王黑子往南山巡查汛地偶被酒信馬行至懸崑斷棧處架獨木爲橋馬轂棘不行王忽驚醒見上則峭壁千尋下則潭深無底不覺失聲大呼曰嗟乎吾聞物命在人人命在天今日我命在汝馬矣語

畢馬退數步飛躍而過汗如雨下王自是不復乘騎券
養以終

乾隆時房城數里外林麓平曠多猛獸東鄉張極美幼時
往深谷覓牛吹洞角作胡笳聲且吹且走忽狂風落帽
見隔岸一物大如牛黃毛黑斑噬人過半心知爲虎駭
極伏草窺之雙目閃爍有光尾與身等鋸牙猙獰轉側
雄猛無何草動虎覺咆哮過澗勢將吞噬自分必死不
覺魂已離竅忽林木兩分一牛犇至突以角觸虎臀虎
負痛曳尾遁走牛追之不及而返以鼻嗅張張甦踉蹌
跨牛背歸家述之咸咋舌自是得癩疾年餘始愈聞其
家世代不食牛肉或其報也

道士趙某住東川堡閉門賣藥不妄接人喜行利濟事乾
隆五十一年捐脩乾河石橋祈能文者作勸善錄刊刷
數千部於武當山散之嘉慶年爲教匪所害汪魁儒有
寄趙鍊師詩云欲訪元關開未開白雲遙指鍊丹臺鶴
從江上傳書去鹿向山中送藥來濟物有心聊市隱入
塵不染自仙胎如今寶籙裝多少何日終南散一回
洪令赴竹谿經竹山有某攔輿進詞洪曰竹山有官還其

詞某趨前卧街心洪至叱之起曰吾竹山民也洪曰天下官管天下民□之某曰公既責民即可爲民雪冤復進詞乃遠貿歸離家數十里投素識某店宿將錢裕交店主收鎖於櫃明晨竟去移時來取店主授之某歸寅夜復至云裕內銀封換爲錢封互控竹山屢訊未折云云洪卽傳店主夫婦候訊用硃筆寫銀字於店主掌心店婦不知也洪曰吾與爾官有公議明日早訊如將手內銀字擦損定行重責飭差押於側翌日訊問銀字在否店主連聲應曰銀字在時店婦俟訊堂下差向店婦云汝聞之乎汝夫已招認矣銀子何在卽行取繳免致受刑店婦遂云銀子現在某處差回洪當堂訊明追銀而獄折矣

嘉慶時正月旣望西河會演戲忽人聲鼎沸紛紛亂竄自西關來衆駭然及近一耕牛也犇馳如飛有壯漢尾追之入城衆擁簇往視牛抵衙跪堂下吼聲震地泣涕如雨縣令洪訊尾追者乃殺牛人也刑以枷杖牛養於惠感寺

洪令讞獄南山作老蝶論維時金風已至殘暑未消觸熱

馳驅頗滋煩惱幽巖巨壑林木叢生獵獵清風自黑林起遂解衣磅礴披襟當之俄而煩暑漸消如服清涼散也卽聽訟大樹下移時而獄平正促歸忽有蝴蝶自空而至棲於細草中斑斕五色異樣鮮妍問諸土人曰此老蝶也盛暑見山中寒則棲巖洞經暖復出山中人不多見也噫嘻谷隱岳棲餐雲霞而擷草木遵養時晦以日以年及其而彰彰也奇文異采頓改尋常耳目之觀蝶亦有然耶因盛以木籃擬倩畫工圖而傳之斯獄也不繫一人籠蝶而歸

青峯張極聰精醫術活人無算道光初四川重慶張姓訪云房邑青峯張某去冬爲父治病愈酬於旅店不遇今特圖報耳時聰歿已三年矣乃詣墓厚酬其子而去自後遠近病者禱墓求醫輒應至今如初鄉人祀之

宋家集有朱筆樹大合抱孟秋開花巨如碗色若傅粉不實葉大而青者茂於春小而赤者於花落後見之枝端有紅蕾若筆因以名焉花兆豐歉花盛在頂高山豐收在中兆淺山在下兆平川旁有池清泉不竭曰玉硯池城西六里許有龍岡蜿蜒而上十數里曰銀硯向曾開煤

廠焉踰三四嶺有銀峯硿亦曰佛硿濶六七丈許高不可計上有古佛向西坐旁則泉聲點滴自巖半珠垂而下似無時不雨佛座後有小石穴僅容人嘉慶初有吳姓者疑爲銀穴入而鑿之遽斃焉咸豐年又有射利者以採辦爲名煽動多人由此硿曲折而下掘十數丈所獲似是而非無足爲用事遂寢嗣居民以地勢險峻因築石壁爲避亂計

張光有妻吳氏年二十忽狂言討債者蜂至家人以爲妄數日如是若迫脅無所措狀家人焚紙錢禱之氏言不足償數討者將敲其牙次日齒果落盡其姑飼以清粥命僧道醮之是夕氏見一童執小錘一童捧牙盒一一生之尚未全聞雞鳴二童愕然亟裝二齒而去及曉視之若故但二齒參差耳

生員張某館城西二十里汪基屯有狐仙至與諸生訂交往城買物狐予小杖出門跨之能頃刻去來上巳生等赴會狐給綠褶褲置七錢每用如其償數歸則錢如故狐能文嘗作一藝延任貢生改之一日狐避暑學宮師徒乘涼院中階上積瓦起迭衆徒移院瓦堆如故衆詈

之磚石交加衆懼閉門磚石從窻櫺飛入明日延狐逐之狐囑備蕎麵黃表硃筆夜靜悉寢燃香俟之旋雷火四起怪聲大作狐曰此獺也亦五百年道行惟驅而遠之吾從此逝矣詰朝窻牖皆粘符衆叩何之答以至蜀明歲臘七日再會又囑李生某改業可入學後入武庠比至臘八日李生葬祖母先夕祭筵前落青蚨二百枚狐奠儀也設酒餼欸之任貢生等在座狐向任云昔年拙作蒙先生教請問天地間何爲責任曰忠孝爲貴人事幾途曰邪正兩途狐云是然有邪中之正正中之邪

飲畢辭去衆問何往曰茫茫四海有何定所

唐姓家西北鄉唐溪溝有狐擾其家焚牛欄麥堆竹園等唐懼禳之置淨室奉如神鄉人爭以禮見五月村廟演劇一生挈友往觀狐附女孩體先在焉設藕桃果物盈案云見狐禮也演劇畢衆請見不允一生醉罵之唐姓懼移禍爲述其誠狐唯唯旋家請見狐問餽何物生叱曰果仙也一誠有感萬念潛通若索酒果貪饗記妖言惑衆何仙之有狐寂然而去

西南鄉車姓家有傭工毛姓夜入卧室先有美婦在云有

宿緣遂同寢逾月有覺者叩以房中事轍受掌責毛田間芟柞忽有桃樹其實離離食之味鮮美同伴懷之過境則馬糞矣狐知醫療病轍愈隨毛二十餘年一日出金爲毛娶婦倏不見

宋光弼大木廠人嘉慶時賊亂被殺無數弼藏身屍叢中夜靜有神人逐次點名至弼曰此人明年某日應死於襄陽王老三之手弼誌之及期賊由襄至數人追弼衆返一人力追弼回顧曰汝非襄陽王老三乎賊訝問何以知語以故賊不忍殺以刀微刺其股竟漸潰而死

房縣志

卷十二

雜記

三十四

北門外五里方姓田界有紫荊樹二十七株古幹叢翳花時紅紫掩映可卜豐歉傳聞數千年物也中有土地堂春祈秋報特著靈異道光歲荒無賴子砍伐樹枝不日卽死自後無砍伐者

咸豐三年縣南馬進溝起蛟二山崩數里壓大小戶五家傷七十餘人河障成潭蛟時現至今尙見之西鄉匾担溝出蛟冲劉姓全家基地成潭至雙龍口陷儲姓房宇鍋場紙場成潭傷人百口水底尙有屋影

南山麻灣咸豐時山崩沒居民六家計六十餘口惟劉萬

清祖孫獲免緣向以忠厚待人也下麻灣山亦崩遏其
流半日水溢汪洋覆田廬無算水涸鄉人於烏龜峽見
一物頭骨大如巨釜雙角節次直理身首異處疑爲蛟
被巖所擊斃者

咸豐六年七月雉入縣署相慶有文明之象以爲主遷秩
兆識者曰非吉也凡物非常則爲災雉於卦屬離離爲
火又主戈兵今雉入署非常之物也昔高宗彤日雉雊
於鼎祖已不以爲瑞而諫之正此意也是冬賊匪竄房
衙署民房多燬

咸豐七年來蝗邑生鄭作蝗論或問曰蝗神蟲也杳不知
其所自答曰非神也生生之理也腐草爲螢稻花爲蝦
物理有明徵矣自格物之功闕學者莫窺其端倪雖欲
致知不可得矣試以理推之在房說卦巽爲木爲風故
風字從凡虫而山下有風爲蠱在皇極篇風化物之飛
是蝗爲草木所化明矣蝗能飛風之化也股長而健巽
爲股之象也巽陰木也陰必感陽而生故蝗愈晴而愈
蕃巽居先天西南爲六七月之交蝗則六七之間而生
也先天之巽卽後天之坤坤土也土居中爲王故蝗稟

土之性而生其額有王字而其色則黃土爰稼穡稼穡作廿故性食百穀皆以類從也蝗之種類不一其色有五應五行也由是觀之今之所謂蝗非蝗也其蝗之類也與然蝗之食禾稼猶人之食百穀人以爲災而蝗不知也而其所以生則戾氣之所致也故三代上人心古陰陽和而蟲荒不見於經傳至春秋始書之曰螟曰螽夫三代豈真無蝗哉無蝗而螽斯何以比與蓋家相能潛消於未然卽有之不爲災耳或曰有術以禦之乎曰在德不在術欲其禦之亦惟脩齊治平燮理陰陽而已

若夫禱祝神祇設局收買則吾未見其得也

陝西翟華國高明士也性情剛方教讀於西關老關帝廟一夕東家夜飲醉而歸通街寂無人聲昏月之中踉蹌之際前不數武土地堂前恍有婦人焉倏不見趨而視之見一物形色似墨袖之歸館俄而婦人來也曰妾微物寄土地堂頃刻覓之不見得母爲君掇來乎翟曰未也婦曰別無行人非君而誰曰是誠有之斷不與爾害人婦百般求之不得旋再三恐之不能乃泣曰物不還妾難尋替身萬不能超生也嗚咽將去翟惻然曰來吾

語汝汝要人替人亦要替替必尋替替之不已吾爲爾
作文哀禱帝君赦爾過開爾罪自爾能超生也婦曰煩
勞君心翟援筆一揮而就誦之焚於帝君前婦去旋來
再拜稽首欣欣然有喜色而相告曰感君盛德帝君已
釋妾罪妾可望再造矣

鄉有婆媳互控通姦和尚者王令訊老婦婦如此如此云
云訊媳哭泣不已云和尚實係婆婆推入卧房因不受
欺以致成訟祇可對青天明心王曰吾乃一縣活城隍
堂上有鼓和尚頭作鐘爾等擊鼓敲鐘當堂明誓婆先

擊鼓微敲和尚頭誓之媳擊鼓儘力連敲和尚之頭王
厲聲罵曰老賤婦廉恥喪盡明是爾與和尚素行禽獸
之事露於媳婦之眼爾等計謀陷媳於術中以塞其口
是也不是老婦和尚遍身骸棘連聲唯唯遂重責老婦
重治和尚之罪令婆媳回家離居勿庸來往爲媳搭紅
獎之

鄉民魏某首子不養王令訊曰爾年幾何曰四十爾子年
幾何曰十八爾有產乎曰無爾先有祖業乎曰片有田
有地爾子何生理曰爲人傭工如何不養你曰彼言無

錢爾髮辮非絲線乎曰然問子如何不養父曰工錢父已用盡爾等身有錢否曰無王曰吾問案久矣時已過午給爾每錢百文各買食用俟吾用饌再訊及再訊魏餘錢歸吾曰錢用盡爾食何物曰沽酒市脯菓食問子何食曰飯食豆腐某錢十八餘錢交官王喜曰好償錢買衣爾總要孝順勤儉爾下去乃怒罵曰見爾舉止早知素行不才毫不知銀錢之艱難爾子勝爾多矣重責四十戒爾蕩廢祖業爲父不父後不改行知必重辦回家必須勤儉家計慈愛兒女可也

秦口劉均州盧販貨上達河赴房竹之間鄉村鬻焉每回一店寄居分途售貨飲食無分爾我銀錢必較分文同往同來多歷年所無何盧言旋歸劉情戀戀議祖餞於上達河再爲分手三教堂各清饌債盧乏青蚨二枚索劉償之訂於上達河還乃行不數武劉聞家音有急切情事遂分袂經數春一夕劉朦朧中盧握手談心徙居上達河某巷二枚青蚨刻刻於心歎洽正殷膠膠之聲入耳驚覺他日經營上達河趨巷覓盧杳矣無音悵然問白鴨出羣呷呷而來畢肖親蜜意俄而生卵而去拾

之赴饒店換煙饒曰卵小作錢二文轉李舖仍作錢二枚換之

李張氏李傳緒妻張克勤女緒蕩無行檢家窘甚意鬻妻以償博飲債妻泣曰我來汝家忍飢受凍晝夜紡績佐饗殮爲人作乳媪得資悉歸汝吾何咎而忍割我母子愛我死不得遂汝也緒逼之凌辱百端氏攜子就夫姑顧姓家針黹度活越日緒至姑家廷曰翁以我改行命接婦歸姑信遺之行至南城外壕邊緒竟殺婦死擲子於塘人救之知縣吳詣驗得實繫緒獄先是外委曾傳

典孿生二子曾覓張氏乳哺適典殤一子投於南城之下正官相驗之日有北鄉某婦因訟寓城亦往視焉是夜夢張氏曰城下有一嬰兒未死爾無子盍攜歸養乎婦蚤起之城下得兒攜去典偵知欲取歸彼堅不與緒後被髮逆裹去噫張氏性烈守正反遭夫殺死後能庇所乳之子洵節義可佳也

邑東文筆山麓有古洞可容百人從無有知者咸豐間里人逐野豬倏不見覓跡洞門有小口羣疑匿其中掘之大石旁塞旋債工鑿不數鎚而石陷於洞矣纔通人行

十數武見有石棹石爐石鐘石鼓悉叩之其音畢肖石
彩橫掛石燈並垂燈且有石繩繫焉化工天然非人力
所及也同治初謝生避亂於左里人備述欣往觀之
咸豐三年六月教諭司先榜夢寐見顏曾思孟冠冕旒衣
圓領朝見聖人越三日南鄉走蛟水漲冲塌城垣水入
聖廟紳士捧奉聖人四大賢神位供於考棚大堂公案
其夢之徵也亦聖賢在天之有靈也

文廟祀典志

學宮祭器

銅爵 磁爵 登 豆 鉶 簠

簋 籩 磁酒尊

樂器

編鐘 編磬 琴 瑟 簫 笛

排簫 笙 塤 篪 應鼓 □

木笏 敔 搏拊鼓

舞器

祀典志

文廟

一

麾 幡 羽 籥 旌 節

佾舞生三十六名 每歲仲春仲秋上丁日

致祭

文廟承祭官陪祀官均致齋二日先一日俱朝服詣

文廟階下告宰行一跪三叩禮退詣宰牲處香案前上香

視宰宰人割牲瘞毛血教官率役潔蠲殿廡拂拭

神座祭之日

至聖先師位前設案一陳帛一白色 鉶一簠一簋一籩一籩四豆

四爵三東西各羊一豕一尊一鑪一鐙二

四配位前各設案一陳帛一白色羊一豕一鉶二簠二簋

二籩八豆八尊一爵三鑪一鐙二

十二哲位前各設案一帛一白色鉶一簠一簋一籩四豆

四爵三東西各羊一豕一尊一鑪一鐙二

兩廡先賢先儒位前均二位同一案每位爵一每案簠一

簋一 四豆四

先賢案前東西各羊二豕二香案一帛一尊一爵三鑪一

鐙二

先儒案前東西各羊一豕一香案一帛一尊一爵三鑪一

祀典志

文廟

二

鐙二至期黎明各官俱朝服齊集引贊引承祭官自左

側門入分獻陪祀各官皆入引贊導承祭官至盥洗處

盥手畢引至臺階下立贊就位承祭官分獻官陪祭官

各就位通贊贊闢戶迎

神舉迎

神樂奏昭平之章咸一作平樂作引贊贊就上香位引承祭官升

東階入殿左門贊詣

先師香案前跪俯伏贊上香司香跪進祭承祭官三上香畢

俯伏興贊詣 復聖顏子位前跪俯伏贊上香司香跪

進香三上香畢俯伏興以次詣 宗聖曾子 述聖子
思 亞聖孟子位前跪上香儀同贊復位引承祭官復
位同時東西序東西廡引贊引分獻各官分詣十二哲
先賢先儒位前跪上香退復位均如前儀贊跪叩興承
祭分獻陪祭各官均行三跪九叩首禮興樂止通贊贊
奠帛爵行初獻禮舉初獻樂奏宣平之章一作甯平樂作引
贊引承祭官升階贊詣

先師位前跪承祭官跪俯伏贊奠帛司帛跪進帛承祭官受
帛拱舉奠於案贊獻爵司爵跪進爵承祭官受爵拱舉
奠於塾中俯伏興引贊贊就讀祝位引承祭官至殿中
拜位立司祝至祝案前一跪三叩首捧祀立於案左樂
止引贊贊跪承祭分獻陪祭各官俱跪贊讀祀司祝跪
讀祝畢捧祝至

先師位前跪安帛匣內三叩退樂作引贊贊叩興祭官官及
分獻陪祭官均行三叩禮興引贊贊詣 復聖顏子位
前承祭官就案前立引贊贊跪俯伏奠帛獻爵俯伏興
如前儀以次詣 宗聖曾子 述聖子思 亞聖孟子
位前奠爵獻帛儀同東西序東西廡引贊引分獻各官

分詣十二哲先賢先儒位前奠帛獻爵亦如前儀引贊贊復位承祭分獻各官俱復位樂止通贊贊行亞獻禮舉亞獻樂奏秩平之章安一作乎樂作引贊引承祭官升階贊詣

先師暨四配位前奠爵於左如初禮分獻官詣兩序兩廡奠爵亦如初均復位樂止通贊贊行三獻禮舉三獻樂奏叙平之章景一作平樂作引贊引承祭官升階奠爵於右如亞獻儀兩序兩廡隨分獻畢均復位樂止通贊贊飲福受胙引贊贊詣受福胙位引承祭官至殿中拜位立捧

祀典志

文廟

四

福胙二人自東案捧福胙至

先師位前拱舉退立於承祭官之右接福胙二人自西案進立於左引贊贊跪承祭官跪贊飲福酒右一人跪遞福酒承祭官受爵拱舉授於左次受胙如飲福之儀贊叩興承祭官三叩興贊復位引承祭官復位贊跪叩興承祭官分獻官陪祀官均行三跪九叩首禮興通贊贊徹饌舉徹饌樂奏懿平之章或口平一作樂作徹饌畢樂止贊送神舉送

神樂奏德

平口

之章

平一作

樂作贊跪叩興承祭官分獻官陪祀

官均行三跪九叩首禮興樂止通贊贊捧祝帛饌送燎
司祝司帛詣

先師位前一跪三叩首司祝捧祝司帛捧帛興司香跪捧香
司饌跪捧饌興以次由中道出恭送燎所承祭官避立
拜位西旁俟過復位立四配十二哲兩廡香帛饌均送
焚燎樂作引贊引承祭官詣燎所視燎畢闔戶引贊贊
禮畢仍引由左側門出樂止陪祀官皆退
禮部則例
名宦鄉賢節孝祠同時分祭儀同兩廡

樂章

祀典志

文廟

五

迎

神樂昭平之章

咸一作平

無舞

大哉

至聖道德尊崇維持王化斯民是宗典祀有常精純並隆

神其來格於昭

聖容

初獻樂宣平之章

甯一作平

有舞

自生民來誰底其盛惟

師神明度越前聖粢帛具成禮容斯稱黍稷非馨惟

神之聽

亞獻樂秩平之章安一作

有舞

大哉

聖師實天生德作樂以崇時祀無斃清酤惟馨嘉牲孔碩薦差
神明度幾昭格

三獻樂叙平之章景一作有舞

百王宗師生民物軌瞻之洋洋

神其甯止酌彼金罍惟清且旨登獻惟三於嘻成禮

徹饌樂懿平之章咸一作無舞

祀典志

文廟

六

犧牲在前豆籩在列以享以薦既芳既潔禮成樂備人

和

神悅祭則受福率遵無越

送

神樂德平之章咸一作無舞望燎同

有嚴學宮四方來崇恪恭祀事威儀雝雝歆茲惟馨

神馭還復明禋斯畢咸膺百福

祝文

維年月日某官致祭於

至聖先師孔子曰惟

先師德隆干聖道冠百王揭日月以常行自生民所未有屬
文教昌明之會正禮容樂節之時辟雍鐘鼓咸恪薦於
馨香泮水膠庠益致嚴於籩豆茲當春秋仲祗率彝章肅
展微忱聿將祀典以 復聖顏子 宗聖曾子 述聖
子思子 亞聖孟子 配尙饗
一八月二十七日恭遇

先師誕辰均致齋一日禁止屠宰禮部則例

崇聖祠

祀典志

文廟

七

五代王位均南面每位前各設一案陳帛一羊一豕一鉶二
簋二籩二籩八豆八尊一爵三鑪一鐙二

崇聖祠東西配

先賢位東西向每位前設帛一籩一簋一籩四豆四爵三
東西各陳羊一豕一尊一鑪一鐙二

崇聖祠東西廡

先儒每位前設爵一籩一簋一籩四豆四 東西各帛一
羊一豕一尊一鑪一鐙二

引贊引承祭分獻官入祠垣左門分詣行禮不用樂舞

凡上香迎

神奠帛奠爵讀祝徹饌送

神視燎承祭官及四配兩廡分獻官行禮均如致祭

先師儀禮部則例

祝文

維年月日某官致祭於

肇聖王

裕聖王

詒聖王

祀典志

文廟

八

昌聖王

啓聖王曰惟

王奕葉鍾祥光開聖緒盛德之後積久彌昌凡聲教所覃敷

率循源而溯本宜肅明禋之典用申土之忱茲當仲春秋

聿脩祀事以 先賢顏氏 先賢曾氏 先賢孔氏

先賢孟孫氏配尚饗

文廟祀典考

大成殿正中

至聖先師孔子神位

東配復聖顏子 述聖子思子

西配宗聖曾子 亞聖孟子

東序六哲閔子損 冉子雍 端木子賜 仲子由

十子商 有子若

西序六哲冉子耕 宰子予 顓孫子師 冉子求

言子偃 朱子熹

東西兩廡各五間

東廡先賢名曰

蘧瑗 澹臺滅明 原憲 南宮适 商瞿 漆雕開

祀典志



文廟

九

司馬耕 梁鱣 冉孺 伯虔 冉季 漆雕徒父

漆雕哆 公西赤 任不齊 公良孺 公肩定

榮旗 鄒音單 罕父音黑 左人郢 鄭國 原亢

廉潔 叔仲會 公西輿如 邾音異 陳亢 琴張

步叔乘 秦非 顏噲 顏何 縣亶 樂正克

萬章 周敦頤 程顥 邵雍

西廡先賢名曰

林放 宓音不齊 公哲哀 高柴 樊須 商澤

公冶長 巫馬施 顏辛 曹卹 公孫龍 秦商

顏高 壤駟赤 石作蜀 公夏首 后處 奚容蒧

點音 顏祖 句井疆 秦祖 縣成 公祖句茲

燕伋 樂欬 狄黑 孔忠 公西蒧 顏之僕

施之常 申枏 左邱明 秦冉 牧皮 公都子

公孫丑 張載 程頤

東廡先儒名目

公羊高 伏勝 董仲舒 后蒼 杜子春 諸葛亮

王通 范仲淹 歐陽脩 楊時 羅從彥 李侗

呂祖謙 蔡沈 陳淳 魏了翁 王柏 趙復

祀典志



文廟

十

許謙 吳澄 胡居仁 王守仁 羅欽順 文天祥

西廡先儒名目

穀梁赤 高堂生 孔安國 毛萇 鄭康成 范甯

韓愈 胡瑗 司馬光 尹焞 胡安國 張栻

黃幹 陸九淵 眞德秀 何基 陳澹 金履祥

許衡 薛瑄 陳獻章 蔡清 陸隴其 李綱

崇聖祠三間

肇聖王木金左

裕聖王祈父右

詒聖王防叔左次

昌聖王伯夏右次

啟聖王叔梁紇位均南面

東配先賢顏氏

無繇

孔氏

鯉

西配先賢曾氏

點

孟孫氏

激

位東向西向

東西兩廡各三間

東廡先儒周輔臣

惇頤之父

程珦

顯頤之父

蔡元定

沈之父

西廡先儒張廸

載之父

朱松

熹之父

按廟祀肇自漢世永平己未詔郡縣學合祀周公孔子

祀典志

文廟

十一

魏晉六朝來或祀闕里或祭辟雍武定制唐武德己卯

詔國學立周公孔子廟各一貞觀戊子左僕射房元齡

奏停祀周公升孔子為先聖顏子為先師庚寅韶州縣

皆立孔子廟開元辛未詔兩京諸州各置太公廟與聖

廟東西峙己卯詔兩京國子監及州縣孔子廟皆南面

元成宗命郡國通祀伏羲神農黃帝如先聖釋奠禮明

洪武丁卯始盡革諸祀專祀孔子而謚則自魯哀公之

誅尼父始漢元始辛酉謚褒成宣尼公北魏改謚文聖

尼父隋文帝贈先師足父唐貞觀戊子尊為先聖丁酉

尊爲宣父顯慶丁巳復爲先聖開元己卯追謚文宣王
宋大中祥符戊申稱至聖元至大戊申加號曰大成至
聖文宣王明嘉靖庚寅從大學士張璁請改稱至聖先
師孔子而謚始定塑像始於漢而見於元魏興和甲子
兗州刺史李仲璇碑記明宋濂孔子廟堂議謂因唐開
元庚申用國子監司業李元瓘請改顏子等十哲立像
爲坐像塑曾參像坐十哲次圖畫七十弟子及何休等
二十二賢於廟壁金明昌辛亥易兩廡羣弟子及先儒
畫像爲塑像明洪武壬戌南京太學成命宋訥撰勅去

像設木主正統戊辰命中外學宮悉改元時所塑孔子
像之左衽者天順丁丑範金稀銅祀文淵閣閣臣每入
必先行四拜禮嘉靖庚寅通撤天下學宮像祀以木主
從張璁請實本先賢朱熹議也衣以王者袞冕之服始
唐開元己卯宋大中祥符己酉加冕服恒圭從上公制
冕九旒服九章崇甯乙酉用王者制冕十二旒袞服九
章大觀庚寅改鎮圭金大定甲午改用冠十二旒服十
二章廟門立戟始宋建隆壬戌止十六大觀庚寅增二
十四明制撤戟更大成門曰廟門改文宣廟曰大成者

始宋崇甯乙酉改先師廟曰文廟者明嘉靖庚寅也祀七十二賢始漢永平壬申一作元和乙酉顏子配享闕里志載始漢高帝丙午金邦柱聖廟徵繹謂始魏止始丙寅曾子並配祀唐總章戊辰孟子並配始宋元豐甲子子思從祀始大觀戊子顏曾思孟並配而升子張於十哲始咸淳丁卯加復聖宗聖述聖亞聖公者元至順辛未也七十二賢畫像前設酒脯祭品始後唐長興丁卯弟子追贈始唐總章戊辰而封公侯伯始開元己巳明嘉靖庚寅盡去封號改題孔門弟子爲先賢左邱明

祀典志

文廟

十三

下爲先儒

國朝康熙丙寅

特進東廡宋儒張載程頤朱熹並稱先賢穀梁赤至胡居仁並稱先儒進西廡宋儒周敦頤程顥邵雍並稱先賢公羊高至薛瑄並稱先儒按諸賢儒之從祀也左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植鄭元服虔何休王肅王弼杜預范甯二十一賢始唐貞觀丁未至太極開元稱二十二賢而有賈逵逵之祔莫考自始也荀況楊雄韓愈始

宋元豐戊午周敦頤張載程顥程頤朱熹始淳祐辛丑
張栻呂祖謙始景定辛酉邵雍司馬光始咸淳丁卯許
衡始元皇慶癸丑吳澄始明宣德乙卯胡安國蔡沈眞
德秀始正統丁巳楊時始宏治丙辰薛瑄始隆慶辛未
王守仁陳獻章胡居仁始萬曆甲申羅從彥李侗等始
萬曆乙未洪武丙子以行人司楊砥議黜揚雄進董仲
舒而闕里志載董仲舒從祀在元至順庚午嘉靖庚寅
以張璁議罷申黨公伯寮秦冉顏何荀況戴聖劉向賈
逵馬融何休王肅王弼杜預吳澄而進后倉王通胡瑗

祀典志

文廟

十四

歐陽脩又改祀林放蘧瑗鄭元盧植鄭衆服虔范甯於
鄉以行人司薛侃議進陸九淵崇禎壬午詔升左邱明
周敦頤邵雍張載程顥程頤朱熹位七十子下漢唐諸
儒之上進稱先賢

國朝康熙壬辰

詔升朱熹位十哲末丙申

詔范仲淹從祀位司馬光下雍正甲辰

詔廷臣議祔享聖廟諸賢有先罷而宜復者舊缺而宜增者
有當升而祔者乃議復林放蘧瑗鄭康成范甯秦內顏

何六人增祀縣亶牧皮樂正子公都子萬章公孫丑諸
葛亮尹焞魏了翁黃幹陳淳何基王柏趙復金履祥許
謙陳澹羅欽順蔡清陸隴其共二十人乾隆丁巳

詔復祀元儒吳澄戊午

詔升東廡先賢有若配享十哲之次而天下學校通建啟聖
祠祀聖父叔梁紇始明嘉靖庚寅以顏無繇曾點孔鯉
孟孫激配宋程珦朱松蔡元定從祀萬曆乙未增祀周
輔成雍正甲辰以張廸祔又追封孔子五代並加王爵
改啟聖祠爲崇聖祠令天下儒學建先賢祠左祀賢牧

祀典志

文廟

十五

右祀鄉賢者始明洪武戊申改稱名宦鄉賢得分祀者
成化時特典也建忠義孝弟祠祀鄉之忠義孝弟者雍
正癸卯

特旨也太牢祀始漢高帝丙午詔出王家錢給大酒河南
尹給牛羊豕各一大司農給米始元嘉壬辰照依社稷
出王家穀春秋行禮始建甯己酉

詔郡縣春秋二祀增用太牢始雍正乙巳

詔除荒減費之州縣於存公銀內撥補以足原額務令粢盛
豐潔者始雍正癸丑祭丁非其土產不得鹿以羊代榛

栗等項以所產果品代者始正統丁巳祀以大特見□
漢明帝耳祀辟雍始魏主芳正始辛酉漢以來皆祀闕
里也以皇太子釋奠始晉泰始辛卯有司享薦始北魏
太和壬申遣官釋奠令守令主祭始唐貞觀丁亥武職
與祭始康熙庚寅四時之祭始晉泰始丁亥定春秋二
仲始隋開皇間月朔行禮始北齊天保庚午朔望焚香
始宋淳化癸巳詔諸王卿相至郡先廟謁而後從政始
漢高帝丙午詔郡長以下詣學行香始明洪武甲子改
幸學爲詣學以示尊師重道之至意者雍正甲辰

祀典志

文廟

十六

特旨也貢士釋褐謁廟始唐開元戊寅建學始魏黃初辛丑
立學教聖裔始宋真宗封孔子後裔爲褒成君始漢初
後改封褒成侯唐開元己卯改封文宣公宋致和乙未
改封衍聖公歷代因之賢裔襲封五經博士顏子之裔
始嘉靖庚寅曾子之裔始嘉靖戊戌子思之裔始正德
初孟子之裔始景泰壬申卜商言偃之裔始康熙庚子
冉伯牛仲弓冉求宰予子張有若之裔則雍正甲辰奉
詔增補此聖廟因革之大畧也

名宦祠

左大成門左

武廟祀典志

每歲春秋仲月

欽頒祭器禮儀如

文廟五月十三日致祭陳牛一羊一

豕一果實五盤鑪鐙具不設籩豆餘陳設及行禮儀節

同茲奉行歷年

勅加

封號添設舞佾加封

先代一切禮節均如

文廟辦理

祝文

祀典志

武廟

十七

維年月日某官致祭於

忠義神武靈佑仁勇威顯護國保民精誠綏靖關聖帝君之

神位前曰惟

帝浩氣凌霄丹心貫日扶正統而彰義勇威鎮九州完大節

以篤忠貞名高三國

神明如在徧廟祀於寰區靈應丕昭薦馨香於歷代累徵異

蹟顯佑羣生恭值仲

春秋

遵行祀典筵陳籩豆九奠牲醪

尙饗

崇聖祠內正中

光昭王左

裕昌王右

成忠王俱南向每位前各設一案陳帛一羊一豕一鉶一簠
簋各二籩豆各八尊一爵三鑪一鐙二行二跪六叩禮
餘同

前殿五月十三日每案羊一豕一果實五盤不設籩豆餘
同

後殿

祝文

祀典志

武廟

十八

維年月日某官致祭於

關帝之

曾祖光昭王

祖裕昌王

父成忠王之神位前曰惟

王世德覃庥令儀裕後靈鍾河嶽篤生神武之英誠溯淵源
允宜尊崇之報班爵超躬桓而上馨香肅俎豆之陳茲
際仲春秋爰脩祀事尙祈 昭格鑒此苾芬 尙饗

文昌祀典

文昌帝君於嘉慶六年奉

旨列入祀典春秋二祭

文昌宮

先代禮儀與 武廟同

春秋祭祀文維年月日某官致祭於

文昌帝君之神位前曰惟

神道闡苞符性敦孝友並行並育德侔天地以同流乃聖乃

神教炳日星而大顯仰鑒觀之有赫示明德之惟馨茲

當仲春秋用昭時祀惟祈 歆格克鑒精虔 尙饗

祀典志



武廟

十九

先代祝文維年月日某官致祭於

文昌帝君

先代之神位前曰祭引先河之義禮崇反本之思矧夫

世德彌光賞延斯及祥鍾累代炯列宿之精靈化被千秋緯

人文之主宰是尊後殿用答前庥茲屆仲春秋敬脩祀典

筵陳籩豆凡奠牲醪 尙饗

聖誕祝文二月初三日某官致祭於

文昌帝君之神位前曰惟

神功參橐籥撰合乾坤溯誕降之靈辰三臺紀瑞度中和之

令節九宇承暉若日月之光明闡大文於孝友如天地之覆載感至治於馨香爰舉上儀敬陳芳薦精禋罔斃神鑒式臨 尙饗

先代祝文同日某官致祭於

文昌帝君

先代之神位前曰教詒式穀垂抑邪扶正之規禮重升馨著崇德報功之典稟貽謀而允紹欽毓聖之有基雲漢昭回際嶽降崧生之會馨香感格興水源木本之思式肇明禋用光彝典尙祈神鑒享此清芬

祀典志

武廟

二十

城隍廟每歲春秋仲月與 風雲雷雨

山川 城隍之神一壇合祭

社稷壇每歲祭以春秋仲月上戊日爲民祈報每位前各帛一鉶二簠二簋二籩四豆四爵三共羊一豕一尊一行禮節與 武廟同白虎通人非土不立非穀不食土地廣博不可徧敬也五穀衆多不可一一而祭也故封土立社示有土尊稷五穀之長故封稷而祭之也五禮通考秦蕙田曰地職主載惟天子得祭之於地之中別而爲土職主稼穡以養人故自天子下及庶民被其功

德者均得美報此土穀之際所以達於上下也歷代重
之明初頒郡邑壇制俱設於本城西北右社左稷洪武
十一年定爲同壇合祭

國朝乾隆二年

勅脩壇制甃甑爲之縱橫二丈五尺高二尺一寸四出陞各
三級繚以周垣門北向石主一長二尺五寸方一尺埋
於壇南止中神牌二以木爲之臨祭設於壇曰縣府社之

神縣府稷之神按古者以勾龍配社棄配稷今惟

京師太社太稷壇有配位府縣無

祀典志

二十一

祝文

維年月日某官致祭於

社稷之神曰惟

神奠安九土粒食萬邦分五色以表封圻育三農而蕃稼穡
恭承守土肅展明禋時屆仲春敬脩祀典丸丸松柏鞏
磐石於無疆芄芃黍苗佐神倉於不匱尙饗

先農壇籍田在東門外乾隆二年奉

勅脩建制與社稷壇同每歲於三月吉亥日致祭祭品禮儀

俱與社稷壇同祭畢

各官更
蟒衣

耕籍知縣秉耒佐貳執青

箱播種耆老一人牽牛農夫二人扶犁九推九反農夫
終畝按先農說者以爲田祖卽神農教民始耕者一稱
先嗇漢以後稱先農

耕籍禮畢各官服更朝衣
望闕恭行三跪九叩禮

祝文

維年月日某官致祭於

先農之神曰惟

神肇興稼穡粒我蒸民頌思文之德克配彼天念率育之功
陳常時夏茲當東作咸服西疇洪惟

九五之尊歲舉

祀典志

武廟

二十二

三推之典恭膺守土敢憚民勞謹奉彝章上脩祀事惟願五
風十雨嘉祥恒沐於

神庥庶幾九穗雙岐上瑞頻書於大有尙饗
常雩不別爲壇乾隆七年

詔有司每歲於四月十八日卽先壇行禮

祝文

維年月日某官致祭於

社稷先農山川之神曰恭膺

詔命撫育羣黎仰體

彤廷保赤之誠勸農勸稼俯懷蔀屋資生之本力穡服田
令甲爰頒肅舉祈年之典惟寅將事用申守土之枕黍稷
稷惟馨尙冀明昭之受賜來牟率育庶俾豐裕於蓋藏
尙饗

神祇壇在東門外制與社稷壇同春秋仲月致祭設案一於

壇正中南向

縣無神祇壇即於先農壇祭祀

雲雨風雷神位居中境內

山川神位居左

城隍神位居右按風師雨師之祀見於周官漢高祖祀雲

祀典志

武廟

二十三

中君顏師古曰雲神也平帝時分雷公風伯廟於東郊
兆雨師廟於北郊兆皆以廟至隋始爲壇宋徽宗時風
師在城之西雨師在城之北雷從雨爲二壇其後祀風
師於東北郊祀雨師於西南郊是地不同也立□□□
錄洪武二年禮官議謂天地生物動之以風潤之以發
之以雷陰陽之機本一氣使然而各以時別祭甚失□
祀本意今宜以風雲雷雨與太歲嶽瀆城隍合爲一壇
春秋祀之詔可今惟

京師另有太歲壇府縣無

厲壇每歲以清明中元十月朔迎城隍神於壇主祭祭
境內之無祀者左傳鄭子產曰鬼有所歸乃不爲厲

火星廟

龍王廟

水府廟

神祇壇祭文

維年月日某官致祭於

風雲雷雨

山川

祀典志

武廟

二十四

城隍之神曰惟

神贊襄天澤福佐蒼黎佐靈化以流形生成永賴乘氣機
而鼓盪溫肅攸宜磅礴高深長保安貞之吉憑依鞏固
實資捍禦之功幸民俗之殷盈仰

神明之庇護恭脩歲紀正值良辰敬潔豆籩祇陳牲幣尙
饗

劉將軍廟會典劉猛將軍爲驅蝗正神雍正年間

上諭飭各省建廟致祭並置祭品每歲春秋二祀朔望行香